

дщи¹⁵ Дубенского, и¹⁶ воспитающе¹⁷ во всяком благоверии и чистоте шесть же лет. И умре баба¹⁸ ея, и по заповеди ея, поят ю к себе тетка ея Наталия, Путилова жена Арапова. Сия же блаженная Улияния¹⁹ от младых ногтей бога возлюбя²⁰ и пречистую его мать, помногу чтяше тетку свою и дщери ея, и имея во всем послушание и смирение, и молитве и посту прилежаше. И того ради от тетки много сварима бе, а от дщерей ея посмехаема. И глаголаху ей: „О, безумная! что в толицей младости плоть свою изнуряеши, и красоту²¹ девственную погубиши“.²² И нуждаху ю рано ясти и пити; она же не вдаяшеся воли их: но все со благодарением принимаше и с молчанием отхождаше: послушание имея ко всякому человеку. Бе бо²³ измлада кротка²⁴ и молчалива, небуява, невеличава, и²⁵ от смеха и всякия игры отгребашеся.²⁶ Аще²⁷ и многожды на игры²⁸ и на песни пустошные от сверстниц²⁹ нудима бе, она же не приставахше к совету их и недоумение на³⁰ ся³¹ возлагая,³² и тем погати хотя своя³³ добродетели.³⁴ Точию в прядивном³⁵ и в пляличном деле прилежание велие имяше, и не угасаше свеща ея вся³⁶ нощи. А иже сироты и вдовы немощныя в веси той бяху, и всех обшиваше и всех нужных³⁷ и больных всяцем добром³⁸ назираше, яко всем дивитися разуму ея и благоверию; и вселися в ню страх божий. Не бе бо в веси той церкви близ, но яко два поприща; и не лучися ей в девичестве в возрасте в церковь приходити, ни слышати словес божиих почитаемых, ни учителя учаща на спасение николи же; но смыслом³⁹ благим⁴⁰ наставляема нраву добродетельному.

Егда же достиже шестаго⁴¹ на десять лет,⁴² вдана бысть мужу добродетелну и богату, именем Георгию, пореклом⁴³ Осорьину,⁴⁴ и венчани быша от сущаго ту⁴⁵ попа, Потапия именем, в церкви праведнаго Лазаря, в селе мужа ея. Сей поучи⁴⁶ их по⁴⁷ правилом *святых отец*⁴⁸ закону божию; она же послуша учения и наказания внятно и делом исполняше. Еще бо свекру и свекрови ея в животе сущим; иже видевше ю возрастом и всею добротою исполнену и разумну, и повелеста ей все домовное строение правити. Она же со смирением послушание имяше к ним, ни в чем не ослушася, ни вопреки глагола, но почиташе я⁴⁹ и вся повеленная ими непреткновенно совершаше,⁵⁰ яко всем дивитися о ней. И многом искушающим ю в речах и во ответах, она же ко всякому вопросу благочинен⁵¹ и смыслен ответ даяше; и вси дивляхуся разуму ея и славаху бога. По вся же вечера довольно богу моляшеся и коленапрекло-

15 *Б нет*; В дочь 16—17 *Б нет*; Г и питающе 18 Г бабка 19 А Улияния
 20 АГ возлюбив 21 Г доб. свою 22 Г губишь 23 А нет 24 АГ ошибочно крепка
 25 АГ нет 26 Г отгребаяся 27—28 А нет 29 Г доб. своих 30—31 Г на себе
 32 АБ возлагаше 33 Г своя 34 Г доб. еже к богу 35 Г прядивенном 36 А нет;
 Г в 37 Г нужных 38 Г добрым 39 Б доб. бо 40 Б господним 41—42 А оши-
 бочно шести лет; 43 Г пореклу 44 Г Осорин 45 А нет 46 Б поучив 47 АБ
 нет 47—48 АБВ по правилам святым 49 Г нет 50 БВ совершаше 51 Г бла-
 гочестен